


A yega punto di mas halto den restauracion di e cas di torto na Koningstraat 29



Stichting Monumentenfonds Aruba y Stichting Rancho conhuntamente cu e propietario Peter Burgers, ta invita bo persona pa celebra cu nos un logro importante den e proyecto di restauracion di Koningstraat 29. Fecha: diabierna 14 di maart 2014, ora : 9:30 AM, luga: Koningstraat 29

Aña pasa na juni e propietario a encarga SMFA cu e trabou di restauracion di e cas principal y tambe e cas di torto su dilanti. E cas di torto aki ta e unico cu a keda na Oranjestad y ta forma parti di e recinto hunto cu e cas di cunucu y e muraya cu ta rondona esakinan. Lamentablemente dos siman despues di firmamento di e acuerdo e cas

di torto a pega candela. Apesar di esaki no a stop e plan di restauracion. A construi e muraya cu a kima por completo den e candela bek uzando e mesun materialnan pero den un forma nobo y diferente di manera cu esaki lo keda visibel den historia di e edificio. Brema Construc-tion ta e contratista encarga e ehecucion di e proyecto aki. Ora e cas di torto ta completamente finalisa, lo continua cu e restauracion di e cas principal. Den futuro e cas di torto lo bira un tienda di batido y e cas principal lo bira bibienda pa studiantenan. E proyecto aki ta e prome di un serie di proyec-tonan cu ta duna cumplimento na e vision di Stichting Rancho

cu ta encarga cu preservacion di patrimonio cultural den e area di Rancho y Stichting Monumentenfonds Aruba cu ta dedica na preservacion di monumentonan. E edificio aki ta di gran importancia pa cultura historico di Aruba y ta aparece tambe den e buki "Guia di Monumento" cu ta obtenibel for di aña pasa den cuatro idioma. Koningstraat tabata antes e 'mainstreet' di Aruba y Rancho y e curason di e desaroyo economico y maritimo di Aruba. Durante e celebracion di a logra e punto mas halto di e restauracion, tambe lo pone un banner riba cual pasantenan lo por lesa informacion tocante e proyecto aki.